

Aber doch so bleibts in suo genere/vnd in
seiner art gut.

Engelisch Bier.

Dieses Biers wird in den Nie-
derlanden/Preussen/Señemarck
vnd Schweden/viel getruncken/
Vnd ist ein gut wolschmeckende
Weiß Bier/gutes temperaments/vnd ge-
sundes nutriments / Daher es auch ein
schön Volck in Engelandt hat/ Ich habe
ein recht gut Engelisch Bier/ zu Santsch
in Preussen getruncken/ Vnd Fan es nicht
gnungsam loben / denn es desselben auch
wol würdig / Sieweil es mir domals wis-
der zu gesundheit geholffen / da ich fast
vbel/des orts/zu Passe gewesen/ höre das
es andern desgleichen oft gethan habe.

Braunschweigisch Weiß Bier.

Braunschweig hat für wenig jar-
ren/auch angefangen / durch die
Gnade vnd Gabe Gottes / Weiß
Bier zu brawen / Vnd ist der gus-
ten schönen Pentapolis wol gerathen/
Denn es auch ein gesundt getrenck/gutes
geschmacks/geruchs / substanz vnd tem-
peraments ist / das wol nutrirt vnd bey
der Numme wol stehet / vnd für sich/in
rechter maß/ lieblich zu trincken befunden
wird / Von andern vnd mehr gaben dieser
löblichen